



Bosna i Hercegovina
Federacija Bosne i Hercegovine
Kanton Sarajevo - Grad Sarajevo
OPĆINA CENTAR SARAJEVO
Općinski načelnik

**PRAVILNIK O IZMJENAMA
P R A V I L N I K A
o utvrđivanju uslova, kriterija i postupka za odabir korisnika i
raspodjelu novčanih sredstava za pomoć općinama/opštinama, vjerskim ustanovama
i pojedincima u svrhu održivog povratka**

Januar, 2020. godine

Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine ("Službene novine Federacije BiH " broj 49/06 i 51/09) i člana 25. Statuta Općine Centar Sarajevo, Općinski načelnik donosi

**PRAVILNIK O IZMJENAMA P R A V I L N I K A
o utvrđivanju uslova, kriterija i postupaka za odabir korisnika i
raspodjelu novčanih sredstava za pomoć općinama/opštinama povratka, vjerskim
institucijama i pojedincima u svrhu održivog povratka**

Član 1.

Mijenja se član 7. alineja c) Pravilnika o utvrđivanju uslova, kriterija i postupaka za odabir korisnika i raspodjelu novčanih sredstava za pomoć općinama/opštinama povratka, vjerskim institucijama i pojedincima u svrhu održivog povratka (u daljem tekstu Pravilnik) tako da sada glasi:

„c) zahtjev nije u skladu sa utvrđenim kriterijima iz ovog Pravilnika“

Član 2.

Mijenja se član 8. c Pravilnika tako da tačka 3. navedena u dijelu a) OPĆI KRITERIJI sada glasi:

„3. Dokaz o vlasništvu/suvlasništvu“

Član 3.

Mijenja se član 11. Pravilnika tako da se briše numerička oznaka (1) te prva rečenica člana sada glasi:

„Izbor korisnika za dodjelu jednokratne pomoći na ime održivog povratka vršit će se na osnovu izvršenog bodovanja u skladu sa utvrđenim kriterijima na način kako slijedi:“

Član 4.

U članu 16. briše se riječ „općim“ .

Član 5.

Ovaj Pravilnik stupa na snagu narednog dana od dana objavljivanja na Oglasnoj ploči Općine Centar Sarajevo.

Broj: 09/B-14-6036/19

Sarajevo: 23.01. 2020. godine.



Napomena: Pravilnik je objavljen na oglasnoj ploči Općine Centar Sarajevo dana 23.01. 2020. godine.

O b r a z l o ž e n j e

I- PRAVNI OSNOV

Pravni osnov za donošenje ovog Pravilnika sadržan je u odredbama čl. 25. i 69. Statuta Općine Centar Sarajevo — prečišćen tekst („Službene novine Kantona Sarajevo“, broj 23/04)

II- RAZLOZI ZA DONOŠENJE

Pravilnikom o izmjenama Pravilnika o utvrđivanju uslova, kriterija i postupka za odabir korisnika i raspodjelu novčanih sredstava za pomoć općinama/opštinama, vjerskim ustanovama i pojedincima u svrhu održivog povratka utvrđeni su kriteriji i način dodjele finansijskih sredstava.

Imajući u vidu ranija iskustava i probleme sa kojima se susretala Komisija za odabir korisnika i raspodjelu novčanih sredstava za pomoć općinama/opštinama, vjerskim institucijama i pojedincima u svrhu održivog povratka, prije svega sa utvrđenim kriterijima iz Pravilnika, koji su kvalificirani kao opći, posebni, eliminatorni, te samim tim i sa načinom bodovanja pristiglih aplikacija, odlučeno je da se brišu riječi, opći, posebni, eliminatorni, a da se koriste samo riječi utvrđeni kriteriji.

Nadalje je također trebalo otkloniti nedoumice koje su uočene prilikom bodovanja kod pojedinaca povratnika kada su u pitanju suvlasnički dijelovi na nekretnini koja je predmet aplikacije, te se na nedvojben način trebalo utvrditi pravo suvlasnika da ostvari pomoć u održivom povratku ukoliko ispunjava i sve ostale kriterije Pravilnika.

III- FINANSIJSKA SREDSTVA

Za donošenje ovog Pravilnika obezbjeđuju se finansijska sredstva u budžetu Općine Centar.